

SICUE UNIBERTSITATE-TRUKEA. OINARRIZKO GIDA

Graduetako ikasleak

(2023-09-25)

Nazioarteko Harremanen Zuzendariorde

SICUE mugikortasun-programa

Zer esan nahi du “SICUE mugikortasuna egiteak”?

Nola prestatu zure SICUE mugikortasuna

- [Informazioa lortzea](#)
 - [Hitzaldi informatiboak](#)
 - [Nazioarteko Harremanen arloko Zuzendariordearen webgunea](#)
- [SICUE mugikortasuna eskatzea](#)
 - [Baldintzak](#)
 - [Nahitaezko dokumentazioa](#)
- [Selekzio-irizpideak](#)

Mugikortasunerako oinarrizko egutegia

Plaza bat esleitu didate. Zer egin beher dut?

Harremana

FAQ


Nazioarteko Harremanen arloko Zuzendariordeztza

Bilboko Ingeniaritza Eskolaren Nazioarteko Harremanen Zuzendariordeztzak, Eskolako ikasle, irakasle eta administrazio eta zerbitzuetako pertsonalaren mugikortasuna bultzatzea eta kudeatzea du misio gisa, instituzio honek eskainitako unibertsitate-truke programa ezberdinen bidez, Nazioarteko mugikortasuna elementu bereizle bezala bere curriculumean sustatuz.

Halaber, programa berbera horien barruan gure Eskolara etortzeko eskatzen dituzten atzerriko unibertsitate eta erakundeetako taldeen eskaerak ere kudeatzen ditu.

Helburu hauek betetzeko, Bilboko Ingeniaritza Eskolaren [Nazioarteko Harremanen Zuzendariordeztza](#) pertsona hauek osatzen dute:

- Nazioarteko Harremanen Zuzendariordea: Saioa Herrero irak. (1 eraikina, P1D4), 4014 luz.
- Nazioarteko Harremanen Bulegoa (1 eraikina, P1E2):
 - Nazioarteko Harremanen Teknikaria: Cecilia Fernández, 8228 luz. (outgoing.eib@ehu.eus)
 - Arloaren arduraduna: Ane Laña, 8226 luz. (sicue.eib@ehu.eus)
 - Administrazio-laguntzaileak: Itxaso Saenz del Burgo (7250 luz.) eta Blanca Uriarte (4397 luz.). (sicue.eib@ehu.eus)



SICUE mugikortasun-programa

SICUE programa, CRUE-k (Conferencia de Rectores de Universidades Españolas) antolatutako mugikortasun-programa bat da. Espainian egiten da.

Zer esan nahi du “SICUE mugikortasuna egiteak”?

SICUE mugikortasun bat egitea, akordio dagoen Espainiako unibertsitate batean irakasgai batzuk ikasten datza, eta gero Eskolako beste batzuk baliozkotzen dira. Horregatik, kontuan hartu behar duzun lehena da, Bilboko Ingeniaritza Eskolan, SICUE mugikortasuna egiten dela:

Titulazioa	Mugikortasun-aldia
<ul style="list-style-type: none"> - Industria Teknologiaren Ingeniaritzako Gradua - Telekomunikazio Teknologiaren Ingeniaritzako Gradua - Itsasketako Gradua - Nautika eta Itsas Garraioko Gradua - Ingurumen Ingeniaritzako Gradua - Ingeniaritza Zibileko Gradua - Ingeniaritza Elektrikoko Gradua - Industria Elektronikaren eta Automatikaren Ingeniaritzako Gradua - Kudeaketaren eta Informazio Sistemen Informatikaren Ingeniaritzako Gradua - Ingeniaritza Mekanikoko Gradua - Industria Antolakuntzaren Ingeniaritzako Gradua 	<p>4. kurtsoa (lehen edota bigarren lauhilabetea)</p>

Zure SICUE mugikortasunarekin **baliozkotu ahal dituzun Eskolako irakasgaiei buruz pentsatzean**, har ezazu kontuan izan behar direla.

- 4. kurtsoko lehen lauhilabeteko irakasgaiak + urteko irakasgaiak
- 4. kurtsoko bigarren lauhilabeteko irakasgaiak
- 3. kurtsoko bi irakasgai (lauhilabete bakoitzeko bat), **norakoko programak Eskolakoa guztiz betetzen badu, bakarrik**

Nola prestatu zure SICUE mugikortasuna

Informazioa lortzea

SICUE unibertsitate-trukea egiteaz pentsatzen ari bazara, Eskolak eskaintzen dizkizun aukeren gainean ondo informatu behar zara. Nazioarteko Harremanen arloko Zuzendariordetzak behar duzun informazioa emango dizu.

Hitzaldi informatiboak

Nazioarteko Harremanen arloko Zuzendariordetzak unibertsitate-trukeari buruzko hitzaldiak antolatzen ditu, Graduetako 1. eta 2. kurtsoetako ikasleei, Graduetako 3. eta 4. kurtsoetako ikasleei eta Masterretako 1. kurtsoetako ikasleei zuzenduta. Jarduera hauei publizitatea ematen zaie Zuzendariordetzaren tauletan kartelak ipiniz, pantailetan argitaratuz eta ikasleen *ikasle* helbidera email bat ere bidaltzen da.

Hitzaldiak goizez eta arratsaldean antolatzen dira, pertsona-kopuru handienaren asistentzia errazteko asmoz. Hauetan, SICUE truke-programarekin erlazioa duen informazioa ematen da, norakoak eta bere ezaugarriak, ikasleek bete behar dituzten oinarriko baldintzak haietako bakoitzean eskatu ahal izateko, etab.

SICUE mugikortasuna egiteko interesa baduzu bilera horietara joan behar duzu, haietan oso erabilgarria izango zaizun informazioa izango duzulako. Hitzaldietara joan ondoren zuretzako hoberenak diren opzioei buruzko zalantzak izatekotan, sicue.ebi@ehu.eus-i idazten duzu.

Eskolako Nazioarteko Harremanen Zuzendariordetzaren webgunea

Gure [webgunean](#), Zuzendariordetzarekin erlazioa duen informazio guztia aurki dezakezu: osatzen dugun pertsonak, gure kokapena, sinatutako akordioak ditugun atzerriko unibertsitateen zerrenda, norakoak eta bere ezaugarriak, eta ezagutu behar dituzun prozedurak eta dokumentuak.

SICUE mugikortasuna eskatzea

Otsailaren hasieran, Euskara, Kultura eta Nazioartekotzearen arloko Errektoreordetzak aukera irekitzen du GAUR-en unibertsitate-trukea eskatzeko, SICUE programen barruan. Behin Errektoreordetzatik komunikazioa jasota, email bat bidaltzen diogu ikasleei ezarritako prozedurari eta epeei buruzko informazioarekin, SICUE mugikortasunaren eskaera GAUR-en egiteko. Informazio hori webgunean ere argitaratzen da.

Eskaera-prozesuak dirauen bitartean, zure @ikasle.ehu.eus posta elektronikoan jasoko dituzu Errektoreordetzak bidalitako jakinarazpenak. Adi egon postara, inongo eperik ezta izapiderik ere ez pasatzeko.

SICUE mugikortasuna eskatzeko baldintzak

Eskaera egitean, norakoen zure titulazioarekiko afinitateaz gain, hurrengo baldintzak ere kontuan hartu behar dituzu:

- Eskaera egitean, Graduetako ikasleek 1. eta 2. kurtsoetako 102 kreditu izango dituzte gaindituta gutxienez.
- Akademi-akordioaren proposamena, eskatutako lehen hiru norakoentzat aurkeztea derrigorrezkoa da. Proposamenak ikasleak Eskolan ikasten duen espezialitatearekin lotuta egon behar du eta norakoko eta Eskolako kreditu-kopuruak baliokideak izan behar dira. Gainera, proposamenean adierazitako UPV/EHUko irakasgaiek Eskolako arautegiari jarraitu behar die. Halaber, norakoan egiteko irakasgai hautatuak hitzarmenak sinatuta dauden norako unibertsitateko zentru/departamentuetan emango dira

- Akordio Akademikoak 4. kurtsoko irakasgaiak izango ditu soilik. Salbuespen, gisa, 3. kurtsoko bi irakasgai sartu ahal izango dira (lauhilabete bakoitzeko bat); horretarako, hurrengo baldintzak bete behar izango dira:
 - Norakoko irakasgaiak eta Eskolako kreditu-kopurua baliokidea izango dute.
 - Norakoko irakasgaiak, Eskolako irakasgaien temario osoa bete behar izango dute.
 - Akordio Akademikoaren proposamena aurkeztean, eskatzaileak norakoan ikasteko irakasgaiaren proposamena aurkeztu behar izango du ere, Eskolako Nazioarteko Harremanen arloko Zuzendariordetzaren webgunean eskura izango duen ereduia betez
- Gradu bateko modalitate duala ikasten duten ikasleek ezin dute mugikortasunik egin
- Norakora joan baino lehen, ikasleek lehen kurtso osoa gainditua izan behar dute nahitaez. Horrez gain, bi baldintza hauetako bat bete behar izango dute:
 - 2. kurtso osoa gainditua izatea.
 - 2. kurtsoko irakasgai bat eta 3. kurtsoko irakasgai bat egiteke izatea gehienez
- Irakasgaien baliozkotzeak, norakoko unibertsitateek bidalitako espedienteetan agertzen diren kalifikazioei jarraituz egingo dira.

Nahitaezko dokumentazioa

Ez ahaztu Nazioarteko Harremanen arloko Zuzendariordetzaren webgunean adierazten diren dokumentuak epe barruan ematea, derrigorrezkoa dela

- GAUR-en eskaera egin ondoren:
 - Baldintza-onarpena
 - Eskaera bete-betea
 - Eskatutako hiru lehen norakoetarako akademi-akordioaren proposamena
 - Eskola-espediente originala (UPV/EHUtik kanpo ikasi bada soilik).
 - Hizkuntza-mailaren egiaztagiri originalak
 - Parte-hartze ziurtagiriak (Eskolarekiko kolaborazio-jarduerengatik puntuak hartu nahi izatekotan)
 - Datu pertsonalen tratamendurako baimena

Derrigorrezko dokumentu hauek epe barruan ematen ez badituzu, ez dugu zure eskaera kontuan hartuko.

Selekzio-irizpideak

Norakoak puntuazioaren arabera ematen dira. Eskaerak puntuatzeko hainbat irizpide hartzen dira kontuan:

- Espedientea: 10 punturaino
- Atzerriko hizkuntzen titulu ofizialak: 3 punturaino (C1 edo C2 mailagatik 2 puntu hartuko dira, B2 mailagatik puntu bat, eta B1 mailagatik puntu erdi bat)
- Eskolako Buddy programa: 4 punturaino (lauhilabete bakoitzagatik, puntu bat gehienez)
- Eskolako Nazioarteko Harremanen arloko Zuzendariordetzarekin kolaborazioa (kolaborazio-taldea, Zuzendaritzak antolatutako beste ekitalki batzuk): 4 punturaino
- Beste kolaborazio-jarduera batzuk Eskolarekin: 3 punturaino

Irizpide hauetaz gain, norako unibertsitateek eskatutakoak ere kontuan hartu behar izango dira. Unibertsitate horiek jarritako irizpideak ez betetzekotan, ez da puntuazioa kontuan hartuko norako hauetarako.

Mugikortasunerako oinarrizko egutegia

- **Urtarrilaren amaieran: SICUE programari buruz informatzeko eta GAUR-en eskaera nola egin adierazteko hitzaldiak** (lauhilabetearen hasieran Informazioa bidaliko da emailaz, eta kartelak argitaratuko dira).
- **Otsailaren hasieran-erdian: eskaera GAUR-en** (data zehatzak, prozedura eta nahitaezko dokumentazioa adieraziko dira, eta informazio osoa gure webgunean argitaratuko da)
- **Martxoaren amaieran: norakoen behin-betiko esleipena** (GAUR-ek bidaltzen du komunikazioa automatikoki)

Plaza bat esleitu didate. Zer egin behar dut?

Euskara, Kultura eta Nazioartekotzearen arloko Errektoreordetzak kudeatutako eskaera-prozesu osoa amaitu ondoren, GAUR-en ikusi ahal izango duzu ea mugikortasunerako plaza esleitu zaizun. Norako bat esleituta baduzu eta onartzen baduzu, zurekin harremanetan jarriko dugu, joan behar duzun bilera baten deialdia jakinarazteko. Han, segidan jarraitu behar dituzun pausoak adieraziko dizkizugu.

Eskolarekin harremana

Zure SICUE mugikortasunarekin erlazio duten gai eta zalantza guztietarako, jar ezazu harremanetan Arloko Arduradunarekin (Ane):

- sicue.eib@ehu.eus
- +34 94 601 8226
- 1 eraikina, P1E3.2

FAQ

Truke-mugikortasuna egin ahal dut, lehen ala bigarren kurtsoetako irakasgairen bat suspendituta badaukat?

Zure mugikortasuna egiteko, lehen kurtso osoa gainditua izan behar dute nahitaez. Horrez gain, bi baldintza hauetako bat bete behar izango duzu:

- 2. kurtso osoa gainditua izatea.
- 2. kurtsoko irakasgai bat eta 3. kurtsoko irakasgai bat egiteke izatea gehienez

Hirugarren kurtsoko irakasgaik eraman al ditzake nire akordio akademikoan?

Bi irakasgai eraman ditzakezu gehienez (lauhilabete bakoitzeko bat), eta norakoko programak Eskolakoa guztiz betetzen badu, soilik

Industria Antolakuntzaren Ingeniaritzako Graduko ikaslea naiz, eta prestakuntza duala eskatu nahi dut. Mugikortasuna eska al dezaket?

Bai, eskaera egin dezakezu, Errektoreordetzak ezarritako epe barruan. Baina azkenean prestakuntza dualean onartzen bazaituzte, mugikortasunari uko egin behardo eduzu, eta zure eskaera baztertu egingo da.

Posible al da truke-mugikortasuna egitea hitzartutako kredituak baino gutxiagorekin?

Orokorrean, mugikortasuna egin ahal izateko, 30 kreditu (lauhilabete baterako) edo 60 kreditu (kurtso osorako) eraman behar dira norakora. Guztiz justifikatutako kasuetan, 24 kreditu (lauhilabete baterako) edo 48 kreditu (kurtso osorako) onar daitezke. Ez da onartuko akordio akademiko bat kreditu horien baino gutxiagorekin.

Zer egin dezaket nire akordio akademikoa osatzeko, 24/48 kreditu baino gutxiago badaukat?

Kreditu nahikoak ez badauzkazu, 4. mailako edozein hautazko irakasgaitan matrikula zaitetzke, beharrezkoak diren gutxienezko kreditu kopurua lortzeko

Zenbat denbora irauten du truke-mugikortasunak?

Truke-mugikortasunaren iraupena, GAUR-en agertzen dena da: norako bat 5 hilabeterako grabatuta badago, adibidez, mugikortasuna lauhilabete batekoa izango da

Nire egonaldiaren iraupena luzatu/murriztu egin nahi dut. Noiz eska dezaket?

SICUE mugikortasunaren kasuan, egonaldiaren luzapena/murrizketa UPV/EHUko Euskara, Kultura eta Nazioartekotzearen arloko Errektoreordetzak ezarritako epean eskatu behar da.

Lehen lauhilerako norakoa esleitu didate, baina Eskolako bigarren lauhilabete klaseak norakoan amaitu baino lehen hasten dira. Zer egin behar dut?

Mugikortasuna egiten ari zaren bitartean norakoko Unibertsitateko ikaslea zara. Beraz, bere araei, funtzionamenduari eta egutegi akademikoari jarraitu behar diezu. Eskolako bigarren lauhilabete klaseak beranduago hasiko dituzula ikusten baduzu, jarri harremanetan Eskolako irakasleekin, zure mugikortasun osoa (klaseak eta azterketak) bukatu eta gero hasiko zarela haiek jakinarazteko.

Lehen lauhilerako norakoa esleitu didate, baina Eskolako bigarren lauhilabetea hasi bezain laster praktikak egin nahi ditut empresa batean. Zer egin behar dut?

Mugikortasuna egiten ari zaren bitartean norakoko Unibertsitateko ikaslea zara. Beraz, bere araei, funtzionamenduari eta egutegi akademikoari jarraitu behar diezu. Pentsatzen zenuen baino beranduago bueltatuko bazara, jarri harremanetan praktikak egingo dituzun enpresarekin, dokumentazio guztia bueltan egongo zaren datarekin prestatzeko, zure mugikortasun osoa (klaseak eta azterketak) bukatu eta gero.

Nire truke-mugikortasuna hitzarmenik ez dagoen norako batean egiteko eskatu ahal dut?

Ez, truke-mugikortasuna hitzarmenik dagoen unibertsitateekin egin daiteke soilik

Nire mugikortasuna lehen lauhilabetekoa bada eta Eskolara bueltatzen banaiz bigarren lauhilabeteko klaseak hasi eta gero, eskubidea al daukat ebaluazio jarraiaren lanak beranduago aurkezteko?

Ez. Zure mugikortasuna bukatzen bada Bilbon lauhilabetea hasi eta gero, ez daukazu eskubiderik ebaluazio jarraiaren lanak zure ikaskideek baino beranduago aurkezteko. Baina Bilbora bueltatu aurretik zure irakasleekin harremanetan jartzeko gomendatzen dizugu, klasera beste ikasleak baino beranduago joango zarela haiei abisatzeko

Nire posta elektronikoa pertsonalera bidaltzen dit Unibertsitateak mugikortasunari buruzko Informazioa?

UPV/EHUK, informazio guztia @ikasle.ehu.eus postara bidaltzen du

RRR!!! EIB